

5476.3/83B

~~6103 5~~

17

HARVARD COLLEGE LIBRARY
FROM THE
HARVARD-YENCHING
INSTITUTE
FEB 1 1932

5531.3203



御製詩初集卷之四十

古今體一百首 丁卯四

兩後圓明園 三月廿六日



園亭標淨爽花木長精神
幸爾過愁雨猶然
及踐春茶來南國貢鴈去北天
賓漫惜韶光
促清和亦可人
水郭連山墅農功周覽知
麥烟初幕際穀雨
乍過時底用翻車引行看
秧馬騎千愁消一夕
合有識懷詩

對景真佳矣看山總沃如曉寒輕料峭大塊
善吹噓畫棟差池燕文波撥刺魚幾閒心稍
適一試裏綿書

東沼含烟渺西軒挹翠來所欣町綠重那惜
榭紅摧水面鷗眠絮階心鶴步苔詩懷滋雨
後濡筆待恢矣

題王詵瀛海卷

海上三山遠隔塵雲屏霧障玉嶙峋底緣紛
見拏舟侶想共君房採藥人

都尉由來閱閱家詩情畫意足烟霞飽叅玉
局心如月遠謝安期棗似瓜
漫云海水變桑田一例鷗汀鶴嶼邊歷歷肆
農還學圃但心閒者合稱仙

燕文貴在廬清曉圖

雲峯天外轟秋景曉來宜鴈閣棲霄漢虹橋
飲水湄錦林扶藜薛珠瀑落嶽崿恍憶銀河
畔青蓮得句時

牡丹

後集卷之四
殿春朶倚翠雲團
兩後憑欄一笑看
藻繪那能傳
月貌評量雅合冠
花壇慢稱京洛名
尤重信是東皇技
畢殫絕勝常年相
對處錦苞猶滴露
闌干

進宮齋戒西直門道中作

霽煙低傍御街寬
帷揭輕輿破曉寒
綠潤畦欣望處都
因一雨便殊觀
隴麥青蔥穀吐芽
桔槔無藉慶農家
香風餅餌吹來好
早見炊煙幾縷斜

迤邐蘭衢來往便
每教停蹕問公田
為農愁苦因農喜
不識年華幾轉旋

海天羣鶴歌題余省畫

余省畫鶴鶴其性
前身應是款鶴師
在陰鳴和過幽寂
海天羣戲放筆為
奔機角睐豈所論
上下左右無不宜
海上三山隔塵世
向聞其名今見之
蒼松越萬載一色
輪困撐突虬龍枝
是處豈可居別物
含胎仙也其奚誰
合羣休息信得地
分形飲啄各出奇
惠然而來

翩然往怡情欲赴中復疑莎坵于印古篆
雲路振迅披銖衣擢距延頸若有抗髀頰
耳咸知時引吭彈舌振空谷婆羅叫梵非笙
絲昂然黃鶴獨超絕不與眾侶相追隨松巔
偃蹇若少憩起被文偉方騎歸衛軒不慕腐
鼠嚇阿閣還輕圖籙垂景昭名蹟存寶笈石渠寶笈有邊景昭胎仙圖長卷師承有自青出而胸中萬態
猶未盡與鶴終始難窮期

太液池泛舟

玉竦橋頭駐六驄溶溶太液一舟通苑花隄
柳添煙景弱葦新蒲茁露叢

煙中樓閣座中移兩後風光慰後思憂慮勾
消詩數首清和恰似去年時

澆沆澄波疊翠涵天光雲影適來叅獨春依
葦毯毯白遠嶂踈眉淡淡嵐

樹沃濃青花發紅疇人占節報南風是日立夏

監奏南風占一般西苑經行處却與前朝迥

不同西苑傳膳正望雨際也

自警

有所畏則矜不生見其難斯恃不行雨暘時
而畏者釋吾懼矜念之將盈臨蒞久而難者
易吾憂可恃之致傾慄慄乎惴惴乎如臨深
淵履薄冰因取昌黎之言以自警曰憂其所
可恃懼其所可矜

三月二十九日作

花扶日影上蝦鬚圖史尋披味道腴
愜志多緣欣兩足閒尋邨復惜春徂
元亨默體消而

息空色從來有若無
賸得祈年心獨切
頻教豐歉繫憂愉

孟夏時饗

太廟

太室穆清地明禋孟夏辰
歲時展殷薦祀事重躬親
曙色分邊豆卿雲擁袂振
駿奔森玉葉一本溯天倫

題趙孟頫雙松平遠圖

盤拏古幹秋雲表寒空極目
霜天曉磊砢白

石護其根棘枝間出麻姑爪童童埴塿相扶
持下臨仄澗碧環繞會心因憶孟氏言二老
天下之大老

題牟益擣衣卷用謝惠連擣衣詩韻即

效其體

涼飈颯蕭瑟節序忽已催絡緯吟露莎鷦鷯
棲夜槐佳人未忍眠顰眉黯如啼舉首見明
月攬衾對空閨憶遠各呻吟命侶聊招攜尺
素出文笥平砧列閒階女伴強笑言默喻中

懷哀長短准舊度衫襲別新題不裁雙鴛鴦
留待君子歸王風咏執簧七月塵授衣圖史
堪起予徃復卷更開高咏惠連詩遑問學步
非

夜雨

四月朔日

已見郊原雨沛靈又逢離畢叶占星及時膏
澤催耕亟徹夜簷聲歌枕聽戟戟錦棚應轟
紫溟溟畫幘更湔青明朝封事疇咨處
志有同然慰在庭

次日御門

御門

凌晨御內朝咨采接羣彥嘉言孰予告庶政
惟爾蕢稍釋望兩愁未愜求治願周公古元
括猶坐以待旦欽哉與日深敢恃

天恩眷

賦得楊花

又見楊花舞清和節令初紛紛豈有辨去去
總乘虛頰頰迷狂燕噏喁引醉魚詩題供兩
後畫景稱春餘憎愛全無繫飄沉任所如莫

教頻點硯鎮日籠紗疏

瓷雁

好在沙頭溪嘴那勞月宿霜征有質奚憂矰
繳不材無慮急烹

錢選秋江待渡圖

白露泣菰蒲秋煙暝碧湖勞情定誰氏矯首
賦叩湏倒影山銜翠欺霜楓染朱底誇航葦
渡彼岸却成殊

曹知白十八公圖

擢榦森霄漢盤根育茯苓淮南初得號塞北
早傳形誰結三冬友孤標萬古青天風吹謾
謾擬構韻松亭

御花園首夏

宿雨輕烟罨綺櫺尚餘春色博山屏蒼松四
季曾無改也覺虬枝分外青

一陣香風遞玉墀却緣錦紋墨辛夷幾餘點
翰消繁慮幸似去年倚檻時去年首夏亦已得雨

婪春破夏日方永委砌飾簾絮正紛最是常

年添悶處底教觸目總成欣

格物

風人咏芍藥而未逮牡丹甚盛始李唐名譟
河洛間拈毫品花者着眼徒拘牽強與分君
臣耳食踵訛傳其實本一種亦無相後先廣羣

芳譜牡丹秦漢以前無考唐開元中始盛云試看四生類皆自盤

古權豈其於芍藥而乃特異焉其本殊草木
始蓋受於天木者早發華錦苞誠麗妍香氣
或稍遜凋零迅可憐草者每後時朶讓鼠姑

鮮艷香乃過之榮常兩月連豐此畱於彼萬
物理固然格物有會心因以成詩篇

藤蘿

深含姹紫淺含紅對處偏宜細雨濛奚啻帶

垂還髮卷去歲詠花園藤蘿有匪伊垂之帶有餘之句每携春色

見薰風施松似聽鶴彈舌壓架還招蝶遠叢

細與評量惟兩字風流卉裏孰能同

商琦嵩陽訪真圖

松風朗助步虛詞少室峯前曳杖遲童子抱

琴那解驪胎仙骹耳却知時白雲滃濘丹臺

靜青嶂穹窿鐵鎖垂玉簡倘逢論位業不教

海上覓安期

雩祭齋居

勤民重農功稽典肇

雩祭雩祭向未舉行乾隆八年始聖語重躬

親頻年謹從事北方春旱多率似成常例龍

見未屆期祈請先小祀叶以不能待時先命

禮部祈雨於諸小祀以次舉行

南郊步禱時九年以無雨於雩祭日自齋宮步禱忸怩責躬備

去歲蚤邀

眷首夏甘霖賜麥無禾則有已是叨

明惠今年乃更幸膏澤春常暨孟夏月之朔

優渥遠爾逮撫時舉常

雩齋居切虔致受寵宜若驚此理無巨細廣

殿引薰風杲暉晃新霽慰懼兩相縈要矣終

年計

齋宮疊去歲對雨有作原韻

預日臨齋所前朝足好霖綠鋪新草色翠纂

古槐陰

天貺承逾惕民情靜可斟適然相合處去歲

此時心

新月

新月生西方盈匡度可揣欽天精其數常人

昧茲旨謂月向西行豈有就東理試看蛾眉

時常自申位始既至輪滿夕則在卯宮矣所

見向西者盖不由乎已古人有精喻謂磨盤

走蟻

聞鳩作齋宮

豈是安排靜六情
清齋自覺道心生
綠郊剛喜含煙潤
又聽鳴鳩喚雨聲
雩祭禮成有述

占星龍見後應節
雨露初上祀虔

郊薦崇壇仰

帝車將將陳俎豆
濟濟列簪裾
念匝三時遠
誠殷九奏餘
瑞雲籠日淡
祥燎引風徐
連歲

邀

隆貺欽承更惕如

御園初夏

法宮廣殿致齋迴
水榭山堂得雨纔
茂對清和勝往歲
西峯又復送青來

飛絮遊絲撲綺寮
錦階花色嫩如澆
誰知偶爾拈吟處
偷度春風幾幾朝
蕩漾煙光霽景寬
拍浮新漲半含堤
最憐北遠山村外
翠剡新秧已插齊

老翁犁把耕新潤弱婦筐鉤伐遠揚常在函
風圖畫裏那能辛苦忘農桑
猊噴薄霧簾含波林外金衣宛轉歌贏得幾
餘罷愁雨好因平秩驗南訛
魚跳遠浪珠千點燕徹新泥玉一窩看到自
然該物理越深顯若奉天和

郎世寧樵元人秋林羣鹿圖

秋半雪毛茸伊尼聚曉春寢訛咸自適羣友
各相從霜葉踈還密朝煙散轉封興賢宵雅

意載咏寄遐踪

漢玉璧

本來猶是崑岡石一片紅雲變英白入土出
土千年易形如滿月運逾尺天然豈有剗刻
迹為穀為蒲不可識鼉采內藏土華蝕庇蔭
嘉穀此其德特達廉貞壽而澤宜登宣室之
筍席

對雨

灑空時作雨絲絲潤逼園林首夏時倚檻靜

聽寒幔望聲聲色色總相宜

頰魚出水羣承沫紫燕翻空競掠珠一例都

含喜雨意物猶如此况人乎

數日未逾十日度時四月七日祈年恰似去年心

去年春早入夏即得時雨黍高稻下均含澤

今歲較去歲為尤幸云

夜雨

雲容傍晚濃淅瀝更春容簷滴踈而密衾寒

薄以重潤添長畝麥聲聞遠村鐘慰後籌量

霽年來得幾逢

倣宋人梅花詩意卷各題以句

枝橫却月觀花遶凌風臺何水部遜

東海有文人高風工吐納恰如橫月枝標花

在嚴臘格稱少而能韻復蕭且颯質麗兩不

傷清濁一以合故宜忘年交沈范欣朋盍

為君援筆賦梅花未害廣平心似鐵

宋廣平璟

開元賢相傳芳規博學工文乃餘事已辦和

羹商鼎調何妨作賦偶遊戲梅花本來心似
鐵惟其有之言故脩我聞所好性相近朱赤
墨黑從其類不見開元欲末姚宋死乃有沉
香亭畔牡丹叢裏楊妃醉

巡檐索共梅花笑冷蕊踈枝半不禁

杜工部甫

忠君愛國之意鯨魚碧海之辭萬里風煙之
地三冬落莫之時雖傲寒如梅也亦將有所
不禁而先生處之若夷獨巡檐而索笑無懷

氏之民歟葛天氏之民歟夫何不宜

踈影橫斜水清淺暗香浮動月黃昏

林和靖通

宋故多儒歎稱深造懿哉君復名不自表林
宗之儔風清月皎有如時雨化物起槁不藥
而愈不食而飽二語出渭南集汗牛充棟梅詩豈少
兩句千古誰不傾倒絕類離倫一班可曉敬
拜下風宜乎米老米元章有林處士讚

多情立馬待黃昏殘雪消遲月出早

蘇東坡
蘇軾

黃昏立馬凍溪邊
寒逼霜髯聳兩肩
只為詩裁羞讓古
不教花品獨稱仙
蠻江瘴嶺何人問
冷骨幽香各自憐
消得色聲香味觸
月明如鏡好參禪

獨立晚風香滿袖
無人同詠一枝春

黃山谷
庭堅

山谷書如張長史
其詩亦學李王孫
奚奴挈梅詩意足
奚啻錦囊留墨痕
梅乎人乎其同

一精神乎底用多言

清香侵硯水
寒影伴書燈
張宛邱

翛然纈玉枝
斐几對支頤
影共寒燈瘦
香偏鼻觀宜
不須觀舞斂
乍可助臨池
底復凝神坐
停毫結構時

醉中忘却頭邊雪
斜插一枝歸竹籬

陳簡齋
與義

春光消息竹籬尋
新格斜抽軟玉簪
侵鬢莫嫌多
雪色雪於梅是舊知音

叮嚀說與水邊人從今日報花消息

曾茶山幾

高士必好梅試問何緣因梅豈待高士而後
益精神天然契合處不可叅根塵偶讀茶山
詩令我思其人

智愚

智愚愚智定何如鶴脰休將續彼鳧倏忽鑿
而混沌死小聰明是大糊塗

新筍

渭南稍已綠冀北苞方紫因憶忘年交不妨
皆君子

宿雨潤蘭谿怒生一日齊試看分寸際便爾
異雲泥

為愛千雲意寧為清夏供長松將古鶴早與
結高踪

戢戢龍新角依依鳥重枝栽培生意在造物
本無私

暢春園之純約堂

御製詩文集 卷四十一
皇祖時所建也朕既奉

皇太后駐蹕於此因略為脩葺以供夏清落

成侍宴敬成近體

軒榭貽

皇祖佳名純約垂清温奉

慈豫丹雘袂振施今日成新落清和正好時

指山傾北斗俯水是西池麗景牕中納瑤圖

座上披即看階砌畔應茁萬年枝

浴佛日疊去歲韻

廉纖夜雨枕邊傳

天眷常承獨厚焉饒有對時增惕若那無撫

節慶油然晬盥嘉祉徵圖錄去歲中宮生子 暉

佛鉢良因自竺乾恰憶去年得句日果然歲

歲結為緣浴佛日有結緣之俗去歲詩云額手但知豐是瑞顯祈歲歲結為緣

之句

結緣

此日結緣日借問緣為何如彼澄潭水風過

生微波波本無心生風豈有意過曾聞佛經

云世界成娑婆茵席與糞溷因果理則邨大
士解脫船為渡癡愛河求解不可得况復結
網羅或緣弟子輩踵事傳其訛漫謂結善緣
世得度者多楊葉止啼見恐為惡之因

清暉閣松籟

清暉閣前九株松綠釵經雨何菁蔥童童入
夏覆佳蔭謾謾傍午吟清風唱于唱喁相前
後琴筑金石無不有黃鸝巧轉巴人曲何必
雙柑與斗酒耳根淨後悟憂樂憂憎樂愛誰

因託年來年去憂樂中九株松自清暉閣

晴

時雨既霑濡新晴亦和煦微風湊輕涼清氣
豁天宇循隄步繁陰傍壠看膏土稻秧挿將
齊麥穗含將吐憶我屢年來飽識望霖苦今
年乃何幸邀貺厚且普豈有協和功益勉憂
勤所三時尚遙遙慰意敢自詡

鶯

漸覺綠陰稠旋聽報粟留似含時雨潤却借

御製詩林卷四十一
好風流夏入如相識春徂了不愁遼西誰復
夢送響任高樓

池上居

槐日風清候壺天池上居潤含新樾重爽挹
午窓虛古調彈聲鶴天機唼浪魚底須費穿
鑿水到自成渠

乍見錦綉勺旋聽綠玉敲有堂如白傅不雨
度西郊嘯樹鶯求友啣莎雀補巢一泓相對
處無慮置杯膠

軒楹俯碧流鑑影座中浮堪納水雲意底論
大小舟風前饒乳燕兩後尚鳴鳩暇日無餘
事新題每見投

題陸治松壑閒居圖

山樓據勝見山多樓下秋江疊翠波得得扶
筇定誰氏元都道士訂相過

唐棣朔風飄雪長幅

水如銀度燭還流誰放山陰訪戴舟佳趣不
教漁父占都官漫道好詩留

河南得雨誌喜

天時不可必水旱何能齊惟此飢溺心黔黎
想共知屢勅守牧臣毋詡豐亨詞苟存文飾
意有司職遂虧一遇賑恤行寧濫母或遺今
年被恩早連接甘膏滋王畿千里間盈隴翠
色披所願遍寰宇時若皆如茲而奈南北殊
如願安可希豫省苦春旱封章早閱批自此
望洛雲戚戚常在懷叶每對時雨降卜度凝
雙眉知近而忘遠彼民其恃誰首夏月將望

時四月十四日嘉音自南來叶連朝盈尺霑芒種
及期禾黍既種麥收仍半之真堪喜不寐
益勵乾惕思

洗桐

入夏桐影圓童童覆階砌清吹與踈滴時送
紗窓裏何來白乳流偏不於柳杞污膩綠玉
皮漸漬青絲理呼童汲井華澡雪一為洗特
生意灑然不潔去西子黃蜂辭條端白鶴來
枝底乃知聲應閭理固有所以既無待鳳懷

亦豈因琴毀古人有同心竭憶倪高士

雨四日十日

剗覺炎風近日偏晚涼送雨竟宵連天公曲
意隨人意農事今年庶有年頻聽簷聲疏復
密每霑膏澤惕逾乾為欣麥秀禾滋候歌枕
何妨鎮不眠

涼

夏初非暑候節序宜清和胡為驟炎蒸驕陽
勢漸頗前宵密雨霏昨日爽風多旋轉何神

速曉涼切庭阿年來晴雨間厥徵幾研磨探
節復數時謂比農夫過此雨實靈雨不惟滋
麥禾煩囂一以滌更復蠲百疴近圃殷紅芳
遠山湔黛螺稍慰祈年心平秩驗南訛

望西山山色

西山去此園尚餘二十里每從樹杪看近似
在盈咫常年春夏交望雨愁不已峰容翳塵
霾不敢向西視今歲何厚幸甘膏四野被禾
黍咸佈種草木皆鮮美肆日眄西山蒼蔚綠

如洗蒙者滌而明
茁者菁不萎乃知造化功
澤物無彼此

乳燕

雕堂翾乳燕
首夏復平分
絢練梳新羽
頡頏逐老羣
掠空懷棟藻
窺戶妬簾紋
一種供叅翫
梨花是夢雲

白絲行

陌桑已堪春蠶老
春蠶作繭圓且好
縑絲織帛代精工
忘却西陵奪天巧
西陵豈識錦繡

段踵事增華
吁可歎世間萬事率如茲
我亦因之悟文翰
知我罪我皆春秋
權與錦繡原馬頭
設使世人不尚帛
沸鍋誰解白絲抽
白絲蠶口之所吐
自縛自戕還自取
何如菜子出青蟲
花間常見春駒舞

顧定之新篁古石

攬蟲文篁四五梢
斜抽新筍尚含勺
夏侯貨殖何須數
却愛凌風綠玉敲

題梅道人洞庭漁隱長幅即用圖間原

韻

木葉微飄秋興生
牢騷意與大江橫
閒鷗最是忘機者
也識煙波釣叟名

湯泉新荷

別浦田田纔見葉
溫池灼灼已開荷
寒暄誰令殊所托
遲速因之異幾多
破曉攜來象瑞露
停風對去展晴波
沸湯無礙清涼性
試看心蓮演梵那

新蟬

柳岸維舟俯碧潯
新蟬送響出濃陰
前身應是粘枝蛻
今歲初聞隔葉音
聲遠居高欣所託
暑來寒往動關心
無多不得其平意
嘒嘒何緣鎮聒林

香山

我初遊香山朝往暮歸
偶因循不能捨復厭
勞奔走稍出內府資
買地垂百畝山僧飽囊
橐而我足林阜一舉兩得之
香山宛我有就岡導漫乳
面嶺開踈牖愛貞植栢松
惡脆棄

蒲柳脩葺未經年成園已斷手時來駐清蹕
輒與周旋久林紅霏春深隴綠蘇雨後探節
復數時課無而責有借問園何名靜宜藏詩
藪

首夏香山雜詩

松風忽作秋夏山已如滴戛然孤鶴鳴響過
柯亭笛
好山如道人益我良不少几視欲生雲緣在
青雲表

嵌竇淙靈脉來往供挹注時出英英氣甘膏
徧霑澍

今年獲雨早峯翠濃欲蒸指點青蓮朶時時
信步登

山深見越遙豈在遮林木近隴復遐町滿意
芄新綠

豁然天宇暢因之眼界寬時有山風吹泠泠
衣袂寒

山花不識名山鳥兩三聲物物皆自得吾亦

暢吾情

玉筍倚天關煙蘿霏澗戶山雲傍晚濃釀作
清宵雨

夜雨

麥秋禾夏際所蘄雨澤時昨者稍炎蒸霑灑
薄已滋茲復越七日切切心靡夷田原縱未
亢頗待甘膏垂山雲傍晚濃長松點千絲聞
聲固已佳見勢心更怡轉恐萬竅號忽焉風
散之因憶常年間夏至獲一犁已是額手慶

晚禾尚及期今歲被恩早頗生望蜀思人情
率皆然誰能造無為

玉泉山

香山留信宿畧暢煙霞意御苑返凌晨總此
乾惕志玉泉東道主路便供清憩况茲林泉
佳于焉一停蹕軒齋舊所建延訪何拘地傳
餐命衛士問政除羣吏勅幾時復暇攬結成
幽寄蒙茸蘿薜煙蒼蔚髻鬟翠黃鶯隔樹聲
白鶴梳風翅招提鐘魚答靈湫蛟龍秘泛濫

鷗波縹蕩漾木蘭試學飛乳燕驕逐隊蘋魚
醉天機寓所會物性從其類掾石讀前題忽
作經年事

執

甘膏剗喜被公田近覺驕陽勢漸宣赤帝炎
風母乃過北方好雨總稀連曾何十日心舒
也所務三時理固然少讀子車今擬易迄無
後樂祇憂先

御製詩初集卷之四十一

古今體八十九首 丁卯五

復聞河南得雨

春杪夏初欣時雨感眉遠為商洛憂

彼時河南望雨

邇聞屢霑差少慰望雲日夜頻增愁彼處麥
收還過半趁種禾黍芄如油此則十日期已
迫况兼二麥難為秋眼前得失紛塞馬而我
切切無窮休亦思所戒不知足其如億兆衣
食謀入孝出弟民風淑要先養欲與給求一



夫不獲予之辜燮和無術其誰尤嗚呼燮和
無術其誰尤安得宜雨而兩宜暘而暘遍我
寰宇長蒙庥

題曹夔音山水十二幀

春山新霽

春仲田盤六轡紆千峯雨後翠糝糊倚牕竟
日拈吟處不意今朝入此圖

層巒疊翠

隱軫溟濛逼太行山容霍霍樹蒼蒼恍疑曉

事黃公望

是幅法黃公望

為我讀書開草堂

蒼山飛瀑

畫家誰不寫飛流箇裏神筌未易酬約略指
南叅活句聽如有響望如浮

秋江漁隱

蘆荻蕭蕭霜葉新闔閭靜對水連淪依然石
室磻溪側復見當年跣餌人

山靜日長

佳話從來說霍林巖居清事足幽尋日長山

往集言不集 卷四十一
靜人爭道誰識景綸太古心

秋林亭子

寒篠枯槎間幾株夕陰朝靄萬千殊無多邱壑有多趣妙處天然是老迂是幅法

攜琴訪友

廉折和平理可觀高山流水感多端相逢底用班荆論便向松風深處彈

夏山聳秀

山川繆結樹扶踈大似王家一筆書取愛濃

青剛過雨白雲旋復罨林間

古木竹石

老榦槎枒恠石獰幾梢煙箐間而生抗懷擬謝柴桑老不與凡柯共向榮

秋江晚渡

坐待舟人不可招打頭楓葉落蕭蕭滄波阿那邊何處便是江南廿四橋

烟雲蕭寺

瀟湘烟雨舊稱竒

米友仁瀟湘圖畫尺幅偏禪室中上品也

三

能髣髴之秀發峯姿含潤溥招提結夏放叅時

羣峰積雪

卿家知白真知白是幅傲慣與乾坤作粉粧

邨待置身圖畫裏望中已覺十分涼

端陽日漫題

將謂今年過舊歲却成舊歲勝今年去年以

廿八日得雨繼此則甘霖時沛雖二麥歉收而秋成大有今歲以三月廿五日得雨四月望以前連得膏澤麥收秋成均有可望乃自四月望以後至今望澤甚殷麥收亦僅似去

年而大田尚榴紅蒲綠都無色稻下黍高俱

不知若何云可憐郊外正湏盈尺雨溪邊漫弄九龍船自

慙涵養功猶欠每值憂勞輒忘眠

再疊前韻

略舉為君難一節較晴量雨正年年况逢亟

待恩膏沛何暇閒將景物憐祈請輒教先比

屋委輸安可恃方船那當假得洞庭術鞭起

雨工不放眼

佛手

八閩風候暖佛手出冬花秀質含霜淨幽香
度嶺賒却難稱色相似欲攬袈裟不必標全
月清涼本一家

麥秋

北方春旱多十年而九矣今歲邀恩早額手
稍慰喜二麥綠芄芄餅餌饒堪擬翻因鑒常
時種少自咎爾常年春旱多農家戒此而種
麥少今歲春兩佳故春夏之
交多有以今歲麥必曾因課農便聞諸農家
豐收自咎種少者子更兼高下田黍稻皆蔥美受寵宜若驚盟

心恒自揣無何首夏半浹旬缺甘雨叶麥乃
如去年臨秋漸黃萎乃悟得失間反掌誠幻
已所得憂不多失得憂倍蓰展轉繁憂中害
其有底止慰意倏已過愁思紛縈起既用凜
天謔還曰格物理

陰五月
八日

油然作雲勢磕爾喜雷音坐起難為意踟躕
空復吟畏風偏動葉障日已霏林安得傾盆
沛舒予渴望心

偶閱今歲詩稿率題

今年未度半年期慰望凡三屢閱之正月望雪繼望

雨二月十五以後雨而少慰三月十五前後復望雨下旬至四月初雨足而大慰四月十

五後復少望雨十九日雨而復慰祈歲要哉凡此皆有詩至今則又復望雨云

他豈慮劭農性也那能移歎豐未定三秋寶

欣戚憑裁數首詩刻下甘膏亟相待知何時

是放懷時

風

稍有雲生風便隨彭怒猶然鎮堀堞須臾雲

散風亦息豈伊有意教坎珂風則靈矣究無藉雲胡為者任其簸三春少和今復狂想爭例事偏愁我

微雨

過午鬱蒸消息佳久旱雲好思杜甫彼人臣也猶為民况我覩然為人主燮理垂方災歎多此責誰諉縈憂緒旬爾雷鳴日掩光獨臨階祀頻延佇細點纔零驟霈沲額祈盈尺興苗雨須臾雲薄風散之益增展轉愁如許

夏至齋居

元祀儼將臨遷坐凜明日讀卦玩金柅撫時
卜石燕豈惟例徹樂早已敕減膳修省切衷
獨愧以諭羣彥驕陽烈中天炎風蕩廣殿廣
殿清嚴所尚不禁燬曷傷哉彼稚苗待澤亟
隴畔日暮未興雲翹首益增歎

夏至日躬祭

北郊

敢辭炎暑為身謀

方澤躬親祀事修况是常年蒙

厚貺

憶自雍正十年以後屢蒙
恭代此祭及乾隆元年至今年歲無不

皇考命

親行又北方春末夏首亟望雨澤率於夏至
前後獲雨今歲得雨雖早而至今又待澤甚

殷益教此日籲

鴻庥侑筵進

思文帛房俎初登大武牛望瘞不遲韶樂振

廣壇誠意有餘留

憶昔

憶昔

律集言補集 卷四十一
膝下時依依切孺慕北方例春旱歲歲煩
聖慮殷憂每先期賑恤籌補助常見傳六膳
有時忘下箸竊謂愁勞過欲慰意轉懼微誠
荷

恩鑒首肯無訶怒恒於祈請所
命代申忱素豈知

慈愛中誨訓于茲寓今為切已事早暎况頻
遇任同

德霄壤慚畏日增遽救幾戒終忘調元愧六

幕叶稍可自信者良心尚如故

北郊迴鑾途中記事

歛秋老麥全無色待澤新禾強半垂烟隴一
番膏雨後頓教人憶去年時

陣雨

陣雨雖屢作艱致渥且優前朝齋法宮傍晚
雲脚浮點滴只頃刻旋成霽景收次曉自御
園有來內侍流問彼以雨勢咸云覺稍稍昨
因大祀旋園林卜鳴鳩頗覩油然興曾無霑

爾酬詰旦理庶政名詢卿尹儔告我昨在京
眼見盈澮溝竒哉彼兩工何獨無緣投豈其
果有意避我如相仇欺飾中涓常于彼奚深
求國是夙所倚不宜逐悠悠或者欲慰我我
寧易慰不匪誠未足信誠然益可憂

曉涼

一雨將成仍不果頗覺曉涼切青瑣涼遲雨
意熱固佳又懼驕陽勢如火日甚一日百憂
煎展轉思量無一可

董其昌山居圖兼和其韻

濃淡天然實間虛林巒深處辨烟墟詩成屢
縮搯觚手為對香光劍舞書

柯九思竹石

抹月披烟迥出塵攜參倚石矗新筠為思愛
竹洋川老一寫精神便逼真

詣黑龍潭祈雨

孤懷仍夜月卜候慶晨霞

諺云晚霞晴早敢
霞陰屢有驗者

謂一誠格其如百慮加瀆煩虞不告澤沛翼

無涯細點隨歸轡心希消息嘉
批宣化奏報得雨摺漫題

火種刀耕瘠苦州及時得雨庶登秋因批欣
慰旋停筆却望中天慰變愁

雨五月廿一日

急風驅瘴雲倏忽天際馳剛憂望復孤翻幸
密雨隨始看迷遠山旋覺濯庭枝沛然作盆
傾簷響明珠垂所惜時不久纔得二寸滋東
西十里外來往人之辭云已十分霑此事吁

可竒昨自龍潭迴龍神果有知應無遠近分

豈其偏所私

黑龍潭左近亦報透足

繫予德誠薄示警

固如斯而民其何辜輒以災歟貽予向曾有
言譬之方伯司愆尤設自召亦惟懲罰之詎
因彼一人罪民夫豈宜疾痛呼父母

皇天尚鑒茲連朝固難異盈尺庶可期聞之
田家言秧苗遇旱時其根至黃泉不雨猶可
支雨不霑且足助長翻成萎根或至中斷神
農難為醫展轉悟政理屯膏我不為

欲雨

欲雨難為意延俄轉怛切先虞風復作稍幸
日全韜禱向明神切心緣區寓勞原田將坼
兆顛望沛恩膏

雨

濯枝纔作繼盆傾聽屢垂堂望倚楹却幸黍
禾今立起果然

天地有權衡生衣乍可涼微切翠簟還欣氣
頓清自慰自慙還自勵漫因憂釋志旋盈

愁經幾許慰如之始悟憂欣摠自貽但似去

年亦足矣誰教初望乃過而春夏之交較舊

常有今年勝去年之句無何而望澤轉殷

仍歎收及今始得膏澤但祈此後雨暘時若

為得似去年即雲容屢視踈濃霰雨力頻量寸

詒黑龍潭謝雨

尺時患失由来勝患得邴曾有喜近臣知

前朝詒靈潭額禱冀微感細點隨歸轡傍晚

雲容黠陣雨中夜零所望猶覺欲曾未踰三
日霑霈盈溝坎茲來謝神貺農事沿途覽稚

苗如助長肥綠朝萐萐詎即希歲豐乍可弭
早歛叨佑良已多能格吾豈敢

初遊大覺寺

靈淵謝神貺古寺問佛津趁此山路便况逢
雨霽辰清爽拂人面微風襲草芥禾黍連遠
村勃然生意新暘臺是寺山名也最高峰未到意
已欣迤邐入林廬便與步法門石橋似虎溪
齒菖搖漣淪一一蓮花上疑有天女倫月相
魏殿中調御信獨尊雲湫洩山半下注如垂

紳循流登其巔乃至水之源不溢亦不涸徹
底石粼粼時復見泳遊故知非凡鱗稍憇白
板室洒然誠絕塵鳥語似談梵樹影全標真
擬叅大覺旨翻歎語句頻

是日復得詩四首

上方遠塵市古蹟冠祇園西山名刹甚夥而最遠亦最

幽而林裏纔尋徑橋邊早得門毒龍知已制

伏席宛然蹲門內二石俗一撫松陰碣是寺

皇考在藩邸時曾出資心驚電影存

遠公白蓮社勝槩至今留紅門內白石橋俯波有

耘鳥覲浮辨經魚集仰流到山如入畫當夏

似披秋膏澤欣霑被詩機得少酬

傑閣橫霄漢金容泯古今風旛底叅偈泉石

此娛心隱楮窺明鏡循巖聽暗琴寺後嵌隙

方池引其流自岩而下從來耽靜地是處暢

凡僧寮香積無不周

好山能作雲為我倏氤氳變幻峯增態色空

意總欣伊蒲何用飽淨茗一為分小憇禪房

靜青楓送秀芬

夏日香山

雨足心懷得少閒輕輿乘興到香山靜聽玉

乳淙新脉愛看烟蘿濯翠鬟

望中雲樹香難分步出幽芳遞野芬應是山

靈知客到旋從樹杪暫開雲

我到香山如讀書日新境會領徐徐朱樓延

爽當風峭綠野含滋正雨餘

鶴林玉露有名言即景因思一陟樊興洽路

徒書言初集 卷四十一
旁肥綠稻憂忘階下茁金萱

臯塗精舍作

香山固絕佳精舍佳之寂盤盤歷蘭磴童童
陰松蓋九夏清涼地三秋廣寒界是處畜桂一
景坐來衣袂寒望裏心神快禽音佛真偈雲
容山變態應接了不暇妙達有餘會

望玉泉山

我初遊玉泉雲巘固已陡今自香山看如剡
施培塿乃悟境無窮學問戒株守萬殊理則

然擴充吾何有

雨後

雨後山泉壯津津吐靈脉香發垂簷花潤逼
依垣石珠聲咽雲竇帶影拖嵌隙三春望澤
時一滴難為益雨足可無藉偏覺溝澗窄何
如彼滄海不涸亦不溢叶

雨香館

蒼蔚林扉秀端知與夏宜山風常送霽霧雨
不拘時鶴瘦松得友苔圓石點棋坐叅蕪倚

詠奚必句多奇

雨香來鼻觀真合獨稱靈遠壠蓬蔥綠高峰
撲亞青潤疑逼衣履秀每罨牕櫺落落長松
下因思劄茯苓

題曹夔音江山秋意圖

翠壁丹楓霞雲閑天澹時片帆隨日落秋意
與心期曲棧千尋俯危樓萬里披捫參攀蜀
道迴首重遲遲

丙宅行

丙宅鱗接西山下若堂若斧胡為者豐碑負
巖森插笏像設縱橫礙行馬我偶披徑問招
提田舍翁言鄙可思云非巾幗埋香所亦非
台衮騎星遺前代貂蟬竊威福富擬公家積
珠玉苦無孫子可貽留高墳不惜金貫築我
聞此語吁可嗟視之誠比長陵奢剝下陵上
有如此千秋興廢縈懷賒甫節魚童車戒凜
未若朱氏為尤甚洪武家訓夫豈忘祇以防
微術未審生殺予奪誰所操由來罪不在若

曹太阿倒授斯有漸門生天子徒悲號

六月朔日自香山遊聖感諸勝即景成

詩得五十韻

太行分秀幹永定貫陰精燕都之山皆自太行發脉永定河自

塞外来夾兩山之間孕鬱成靈局崔魏護帝

出石景始入平陸京天開丹地迥日照紫蕪明萬馬相奔突千

支各拄撐一峯尊華嶽八景冠燕城最愛香

山好因之別業成常留雲館蹕便閱黍田耕

新喜霑膏雨餘閒趁快晴簡能延吉士咨采

接明卿是日引見吏部月選官適可驅輕騎奚須建翠

旌欣飛頻訓論綠剡戒縱橫碧漢翔雲點青

椒爽籟迎蘭衢何宛宛桂埒此行行谷口分

泉澗村頭軟草坪指南仍未改是日出香山南関折而西

度嶺而北始至聖感記里任徐鳴丙宅雄堪

是時猶向南行云詫貂璫橫可驚西山下明代寺宦墳墓甚夥專橫至此國事有不日壞者

乎明明懸炯戒歷歷入吟情西轉登盤嶺北

瞻闢霧棖遙知景所會未到意先平晻靄蒼

林合逶迤白道縈人楓將鳳栢白芷更華華

似阜似堂接如宮如畝并岵岵殊崩劣磔磔
競崢嶸澗雪聲猶壯松濤響自鏗聒枝爭鳥
雀跳樹擲鼉鼉既狹方開豁如夷復律崢隔
巖標宰堵攀磴俯翬甍信是羅延窟巍乎象
教程梵音海波動寶相月輪呈

頊蒸還輝斗堯堯擬見羹

聖感寺內
祖賜匾最多復有

賜海岫和尚
御筆條幅

松軒因小憇綉壤一迴晴信

矣神都麗煌哉天府宏富加惟強教泰保惕
持盈行漏催傳箭歸輿旋委衡寶珠遲展眺

寶珠洞在聖感
之上是日未至

法苑舊騰聲蘿磴原堪接蓀

蹊邴礙生靈源淙磴隙幽霞結株楹

由聖感
西南行

下山
登為龍王
堂有泉源出

馴鴿聽經白游魚醉藻頰滴

珠纔瑣碎瀑布遂琮琤古寺棲巖迥歌簷帶

石傾丹青看剝落布施孰經營佛自圓通者

時而興廢更靜觀聊遣慮遙問不知名石迳

盤紆下招提結構清

大悲寺在山腰至
始合去路云

皮經

還有閣卓錫祗餘莖素具升高志今酬望遠
盟香臺霏法雨天樂下雲龔年小猶長日暑

徂行屈庾蘆溝橫
蟠竦石景直
瑤瓊指日將
登岱蒼然覽巨瀛

是日降旨以明歲東
巡祀孔廟登泰山

聖感寺眺遠

西山至此更無山
故是明堂結局處
南臨平
埜千里餘
况鮮林嵐蔽
虧慮我詣精藍
禮佛
罷山齋
雖小足清趣
窮目何須百尺樓
因迥
為高萬景赴
夙聞聖感結
遐想不見雲
牕見
烟樹今朝寒
幌俯帝畿
瀛海蓬山乃畢露
因
知見不貴拘墟
天高鑒卑理則固

龍王堂

古廟山坳裏
披榛磴道賒
樹生剝竿石
鳥啄
淨幙紗
水府石林秘
香臺花雨斜
所希惠時
若霈澤始京華

大悲寺

林麓忽開霞
居然見上方
松風吹袂冷
山果
落茶香替戾
鈴聲靜逶迤
鳥道長停鞭
一迴
首霧靄已蒼茫

善琴者唐侃
村居西山下
是日過其廬

因題

百戰歸來志未磨

唐侃旗人也隨大將軍費揚古出征昭木多頗有功

在軍中猶以琴自隨至雍正年

間始賜副都統銜子告家居 卻耽小隱意

如何臨泉興寄猗蘭搵築室情同安樂窩幽

賞漫隨孤鶴去劇談常喜野人過一揮應令

四山響靚面真師鞋益多

香山曉景

踈星隱碧天殘夜漸明發未辨楓柏色早遞

蕙蘭醇露重蝶翅低月留鶴夢歇倚楹味平

日澄觀興無竭

驟雨

滌雲忽迷南北峯驟雨洗淨峰頭松無纈珠

傾萬栲栳有情畫浴千芙蓉溟濛紫碧幻晴

晦果然神妙符分龍湏臾返照樹頭掛萬澗

琴音一律同

翠峯高處置笙歌

玉華岫置法曲一部自香巖室隔谷招

之奏小令數闋巖谷湊響非復人間絲

竹聲如在武夷虹橋間也因賦是題

隔谷雲門奏依峯鳳吹清左招起止節曲盡
澗巖情似降仙宮調渾非塵市聲度松添縹
緲拂水致縱橫地遠無嫌急居高乃益宏不
緣聆始作安得繹如成

松路仙巖歌題王蒙所畫

我久思題松路仙巖王蒙所作之長歌意有
弗快把筆欲吟行復捨試語去聲巧遲拙速論
詩流應有聞之掉頭長咲者是時快雨初霽

長烟收值我香山偶消夏畫耶境耶兩適合

况當勤政

香山正殿名

召對之餘幾務寡日中必

箕搯刀割時不可失興會惹反愁渾渾浩浩
難為拈亦惟就其所具天然邛壑一粗寫嶺
雖險而可登磴縱窄而堪下峭笋天齊飛流
珠瀉古木恠石支撐乍屣翔鳳閣於木末知
誰悟乎般若盪扁舟於溪濱又誰釣竿之獨
把曾青相蔽虧紛不辨梧櫨更愛閒閒結茅
屋高僧仿佛東林社雄乎博乎鈐山堂之舊

物而畫禪室所藏也

自香山迴蹕圓明園過玉泉山小憇

閑情一為少林間如滴山容過雨餘迴首來
青吟賞雲白雲堆湧萬芙蓉

秀木佳陰小立遲甌香硯淨鎮相隨子西詩
句閒中領正是日長山靜時

沙觜依微露漲痕禽音鶴唱靜中喧雲添山
態生瑤嶂風送花香到網軒

薜蘿烟裏陟丹梯原隰平臨綠意齊咫尺林

泉得佳趣好山何必論高仞

雨中泛舟

誰解盆傾萬斛珠天龍游戲祇斯須榜人漫
慮衣衫濕風雨歸舟正好圖

片雲剛上遠峯連忽送千巖響瀑泉色相細
叅難得句水晶國裏小遊仙

驟雨驅雲晴亦速沙汀漲退綠波涵樹蟬聲
亮荷香淨一綫斜陽天蔚藍

瓜

涼供厨人案生機園客寮來禽分應讓蒲鶴
品先標五色何須炫三庫適可消江村思杜
甫得句入詩瓢

題姚文瀚梧陰清暇圖

地僻門深迨暑宜綠梧團影弄差差紛陳王
謝家中物細檢晉唐以上詩童子擘瓜如切
玉胎仙啄木似敲棋翛然古處會心別豈在
姬尊與姒彝

題曾夔音溪雲山雨圖

濃綠樹迷復嶺淺紅霞抹遙天頓覺風涼雨
濕許渾詩意悠然

舟過萬壽寺

西海遙遙一水通出城偶試布帆風門出西直

橋乘舟直達聖化寺別墅易招提平枕清流

澈真偈當前印色空

遇淺泊之殊鈍置乘風迅爾却輕豪誰知到

點評量處到即不點點即不到白足僧人望

轉勞

荷芰香風坐闔閭岸蟬聲亮靜聽諸西山送

兩如飛瀑是日舟行遇雨漲影旋高幾寸餘

假山過雨應流翠寺中假山湖石為之勢甚古古鉢生蓮

定作青望裏回增新悟境由來意想勝身經

剪園蔬賜大學士及內庭翰林

快雨喜新晴景物無不嘉農田高下足菜圃

生意加我偶步葦町問彼園人家攜筐爾何

為采擷毋乃過此非稂莠比豈慮妨嘉禾老

翁咲而言所賴暘雨和紅芽與紫葍怒生不

延俄設其惜弗取過時徒老柯語良合至理

凡事戒蹉跎分賜趁朝涼露香熨齒多變理

有共責詎止供透沓

荷

白是銀雲紅是霞兩餘香遠透牕紗十分神

韻誰能畫六月春光無比花孤鶩橫飛蒼岸

外輕舟一繫綠波涯就中迥異尋常處不惹

塵心長道芽

沈德潛給假葬親畢還朝詩以賜之

朋友重唯諾况在君臣間我命德潛來豈宜

遠引年有謂德潛既老得歸鄉里可不復

歸陸東門漫擬疏則德潛瀧岡表阡罷白駒之來實合在公之誼云

來賁然即此至性肫令我俞以憐書錦匪所

許孝烏或致焉席前陳民瘼不負予諮延兒

輩粗知書善為道孔顏先是德潛未到即有

子書

飲金魚

金魚魚中譎可看不可食而反被人憐潛泳

殊自得常叨投餌惠訖無上鈎厄彼鷄能司

晨酬以稻梁澤彼犬善守戶敗肉匪浪擲爾

魚獨厚幸恩波託太液日費九十餅尚歎霜

降迫縱不無竊饋飽食日以息園中例自穀

日飼魚九十餅然養魚者率竊食之故戲及云文采洵可觀問汝曾

何德虛糜莫甚茲畜爾誠奚益

蕉牕夜雨

種蕉滿牕外綠葉日以披所為雨中聽更愛

清宵時奏響間簷溜吟籟答喬枝田疇既已

律書詩集 卷四十一
霑寄興乃在茲瀟灑有餘趣踈密無不宜即
境米家法何須命畫師

喜晴

雨暘其利同惟時為難矣極備無皆凶因悟
中庸理夜雨初欲霽曉煙高漸起爽風西北
來天畔雲盡徙青矗遠峰尖紅重香荷吐高
軒起碧紗一覽風物美迨却周宣憂適得盤
古喜

率題風

東北風雨西北晴較量既久知其徵今日西
北風而喜前月西北風而憎憎兮喜兮風不
知日兮月兮無窮期

題李世倬踈林亭子

胸中常有萬里意一溪一壑亦無窮契乎妙
者倪雲林近來董達邦李倬世頗能工遠山綠滴
兩洗後喬柯籟爽夏長中笠亭四柱不為窄
暮靄朝嵐面面通憶得曾經似此最佳處乃
在盤山之幽甘澗東

題李世倬秋崖獨步

秋山一幘清秋空萬里明杖藜獨出人心與
孤鴻征

伏日

短至闕三庚形家稱數伏消息萬古經何待
筮而下雲容常涵渟山意增潤溽樂此池上
居移彼雨中竹心閒鳥語靜風清花氣馥舊
學得商量論孟從頭讀

泛月

晚風微拂暑全消漸湧水輪天沈寥蟬噪螢
流紛曲浦梧疏荷淨澹清宵
畫船如近水樓臺鑑影波紋面面開最好虛
明叅色相底須絲管侑樽罍
汎漱鷗波盪槩遲紅橋鴈齒座中移吟髭羸
得增如許載月依然舊歲時

雨中荷

片雲驅雨過荷塘綠蓋難遮紅錦裳徒倚水
亭清俗慮初禪堪悟色聲香

御製詩初集卷之四十二

古今體一百九首 丁卯六

賦得既雨晴亦佳 六月十八日

倦雨侵晨斂翔雲向漢祖宜暘撫佳景省歲
協貞符臺上雄風爽曠邊積潤濡樹姿全澡
雪山色不模糊夏靜林泉樂幾閒書史俱時
哉祈一月或致屢豐娛

以詩代書存問傅龍翰先生

經時未到禁門邊食履多宜心泰然月霽風



清煩暑遠忽教重憶講帷前

日影

日影上階基朱明已漸移
扶花陰轉處照磴潤消時
可曝傭書簡應餘刺繡絲
電光驚代謝倚柱意因遲

襟花

襟花不計名紛敷傍錦砌
散風蘭麝芬烘日雲霞麗
勝桃李辭春共楸梧含翠
不怨韶光徂却益夏園致
夜來甘雨足綠牕喜新霽
丁

星霏露英錯落垂煙穗
品方秀而野姿絳天不媚
叢底留蛩吟房邊遲蛩翅
禾暑慶既霑恩膏許蒨逮

螢

傍晚輝蒼岸隨風度
玉津迴燈遙掩映腐草
辨踈親明自通身暗
火傳無盡薪偶觀知候
物為憶照書人

習射

桑弧示有事揖讓明無競
我朝矧專長

家法敢不敬長夏萬幾餘廣場綠陰淨屏藩
列宗臣世胄逮庶姓省括各審固用志同居
正鵬羽良已端駢角詎誇勁習旅憶文皇觀
德欽宣聖

池魚

池魚鯁鯉類在蒸欣潛躍雨後新漲添乘波
共悠若尋常垂岸花仰望隣碧落載浮忽及
之恣彼唵喁樂一朝漲痕退失意徒索莫或
值池之竭濡沫豈能活叶寸木高岑樓孟氏

言可度鯤鰲居溟海不溢亦不涸訖無得失
憂慎哉擇所託

熱

兩暘燠寒風闕其一不可天然次第間輕重
晰如左兩暘近來叙况未西流火熱亦令所
職鬱陶理則那霎潤逼花輒蘊隆灼青瑣畏
景慢閒行習靜惟獨坐翻書古井汲學字純
綿裹曝背耘者流兩汗勤不惰驅愁斯覺喜
矧在高居我問其喜為何農務詢來頗九夏

律製言不集 卷四十三
宜炎蒸乃得堅栗顆不惟益禾黍兼逮蔬果
菘聽此覺暑消爽風來馭娑即事驗庶徵夕
陽嘉樾鎖

鸚鵡

鸚鵡能人言所言自不知人讀聖賢書如書
行者誰嗟哉人禽關其差在毫釐執簡佔畢
流胡不切已思

恭讀

皇祖詠筆尖齊圓健四德詩敬依元韻

尖銳燕函貫所當無不摧大漠三巡狩樓蘭
繫頸來

齊聖軼千古飛白

聖多能以禮垂宏範欽哉勗紹承

圓覆符穹昊雍熙制作詳卿雲成什後韶奏
引歸昌

健行六十載天地不言功批黃常午夜勤政
是

家風

夜雨朝晴

夜雨朝晴禾黍怒生朝晴夜雨益我禾黍爾
來晴雨頗應時渺予何德能致之黃雲滿目
庶可期雖然安敢心遽怡滿損謙益有明訓
比櫛崇墉吾至願願始皇都達遠郡

藏紙扇

裁彼金粟戕製此清風扇圓規月之望爽祛
暑方煽象牙徒爾為鵲翅豈所羨羲之字難
換董源畫或見寫我四古詩

命董邦達寫擬古詩四首意於

便位置法不亂王孟相揖讓常柳宛覲面楊

柳夏池亭梧桐秋夜院動搖引逸興微涼生
閣殿隱隱青蓮文窸窣法輪轉

王紱秀石蒼筠用圖間題者韻

疎不蕭條密不濃天然合處見文同只疑靜
寫三更月可惜敲殘一院風
孤轟何心待鳳儀池邊上伏雨中時移來新
榦堪為伴翠影相籠不自持
白石蒼苔雅稱清松梅何必弟兮兄掃愁落

落詩中畫抹月脩脩靜者情

王淵疎枝雙雀

麻雀尋棘枝鷓鴣啄華黍物類有萬殊各自
命其侶老安少者懷因之悟胞與

聞蛩

十六月二日

季夏剗下弦晚晴風露美坐我清暉閣幽興
不自己洞開綠紗牖天色淡於水東林月未
上西谷風徐起何來寒螿聲三兩鳴階祀金
行蕭瑟哉涼意侵尋矣知叙物皆然催秋乃

獨爾拈鬚憶去年莖添良有以

移竹

曲折池塘快雨晴課童移竹趁三庚宜人葉
鎖牕前色入畫竿敲枕上聲

苔滑泥融著意鋤纔依文石便扶疎甌香研
淨綠陰裏暫遣心閒好讀書

送來滿院櫛椽影助以依根蟋蟀音今日閒
庭風露下平添幾許識秋心

秋意

律集言不集 卷四十二
秋意先秋人共知先秋知意果真誰一番快
意田家畫廿首生秋庭裏詩天向淡間無礙
迥雲從閒處有餘姿倚吟更咲歐陽子端向
聲中搆添思

討源書屋

六月二
十六日

琴齋書史暫周旋水態山容與靜便更喜快
晴金令到從今詩意向秋偏
轉處溪橋路暗通柳陰窳地露荷紅分明餞
夏迎秋候去歲詩懷想像中

自西海泛舟至青龍橋

雨餘漲影消菰蒲靄煙翠柳風徐以爽荷露
泣欲墜清溪達石橋扁舟輕可刺淡然天水
間報我秋來意

青龍橋西

按轡蘭皋嘶玉驄香山遙在白雲中宜人隄
上芳荷氣兆歲汀邊華黍風絡緯咽聲涼意
到梧桐踈影霽光通半年憂慰紛縈繆未敢
先秋便道豐

香山靜室作

又名香霧窟

幾縷徂雲讓快晴登高望遠豁虛明山深夏
杪槐花落亂打閒牕認雨聲
攀登故覺三庚熱偃仰還消一室涼谷口過
風全帶爽封中寫霧靜霏香
雲端縱目恰雲開一俯皇都亦壯哉恠底詩
人愛臨賞幾多吟思箇中來

香山雜詠

近隴遙阡卷綠雲憑高略得愜清欣秋前峯

色稜稜露雨後泉聲處處聞入戶山蜂常帶
蜜拂花谷籟總會氛快晴比雪爭佳耳曾否
成書問右軍

攬結都緣靜六情忘筌是處有逢迎溪如古
月無心靜山似幽人徹骨清野果堪供消夏
具山蟬別有唱秋聲便當藉草為茵褥一踐
烟霞契友盟

雲容空入原無定詩意紛投却有情一室之
中觀四海千秋以上驗平生傷松煮茗山泉

便對月敲碁石榻平待曉依然辛苦在衣冠
勤政接公卿

奉

皇太后遊香山

追暑山中好迎秋樓上宜敬陪

王母駕催進侍臣詩掖輦登雲巘塞簾俯月
楣鳥歌長壽曲花發駐春枝巒谷牕前罨町
畦座裏披西成應指日堪以博

慈怡

六月廿九日作

高樹紛紛噪晚蟬趁涼閒步綠陰邊暑騰婪
尾羈殘夏是日甚熱序驗凋莫判半年轉轂光陰
真覺迅入詩秋景已堪憐青山依舊如如體
我亦因之悟不遷

香山聽唐侃彈琴

聽琴蓋如對高士必有其地與其時金風玉
露新秋序時七月朔日谷深林靜香山陞我知妙
處不能寫其能寫者舍侃誰村居隔五里以

近抱琴而來何不宜為我作高山噫吁嘻巍
 乎高哉嶽且崎為我作流水徒觀其狀也則
 湯湯蕩蕩渺復瀾忽然觸景貌秋鴻是日彈此三曲
 遵渚遵陸羽可用為儀平生不識宮與角其
 理或可推而知弭節沉吟以構思乃如絳州
 才子覆被無語尋新詩鏗然奮發千鈞弩又
 如重瞳暗鳴叱咤千軍之內能塞上將旗神
 來候也非人力我欲贊之乃不得其辭幻讀
 孔子書記其說關雎曰樂而不淫哀而不傷

善琴者當有會於斯是為太始正音堪味道
 世間箏琵琶笛筑徒爾為

立秋

已知少皞傳金令更喜豐隆湊快晴此後應
 添閒意緒安排佳句咏秋清

相風臺上報西南

占云立秋日風從西南坤方來五穀熟

農驗

官占信可參即看天高波澈處翔雲散盡鏡

光涵

秋去秋來孰與為金風玉露又斯時生秋庭

裏拈前句瞥眼翻成隔歲詩

秋花

春華艷而冶秋華麗以素以此較伯仲應知
去取故露香蝶翅朝風淨蛩吟暮丁星不辨
名錯雜何計數霏韻倚醉仙含顰待古兔池
塘瀟灑處遲我蒼苔步女夷鬪金官當場設
孤注

喜晴

喜雨纔過又喜晴若無愁者喜安生始知消

息皆天理要識隨遷盡物情目共高空抒遠
興心同野老盼西成可人西北風來爽靜聽
催秋銅雀鳴

荔子

勝得安期棗籠來閩嶠雲清心涼除暑尉
齒軟含芬玉局風流邈君謨品第分不須愁
內熱標格已堪欣

爽

金風下閭闔峭爽澄空宇迴眸睇碧虛徂雲

無一縷迎來滿意秋
餞却殢人暑應觀築圃
場即聽發砧杵揮毫
覺異前瀟灑增如許

新秋月

萬里絮雲收織阿素
綵流半韜飛漢鏡直
掛釣詩鈎樓角梧桐
淡墻根蟋蟀稠坐聽
無倚望耐是獨宜秋

佛手

分明全體示華嚴色
染緗雲靜馥恬自是
大千歸直指本無一
物可中拈

紅蓼

照水蓼花紅秋光瀟
灑中晚涼蟾閣影野
岸鏡潭風漁火踈明
穗蛙聲間出叢何須
寫生手吟倚興無窮

七夕漫作

皇天特重耕織事思
以垂象於三光日月
東西輪轉更無暇乃
付厯天星宿一為織
女一為牽牛郎試看
織女機絲萬古無停
歇詎其所重錦七襄
世間粗帛大繭皆所
遺風人何

謬云不成報章牽牛示人耕作苦烏犍終歲
 居其旁夫耕婦織並勤力星猶如此人其敢
 不費今夕乃七夕未能免俗聊陳供養設酒
 漿嘉禾瑞蘭非所願但願比戶寒得衣飢得
 食各知重農桑豈學人家兒女子筵前咄咄
 訴衷腸

秋日西直門外

效三韻體

愁雨久已屢愁晴昨乃過高下既均霑開朗
 實亦嘉素宇淨襄雲遙峯矗黛螺習習披襟

風垂垂施架瓜絡緯吟露叢熠燿輝蘭坡即
 看築場圃稍翼盈室家好生天地德惠我黍
 稌多念彼三農夫勤苦孰與加玉食而衮衣
 勞心理則那有秋庶可期半歲縈懷賒

秋日承光殿

月宇鳳城西金鰲雉堞低荷般紅錦繡水淨
 綠玻璃氣爽天原近基高漢與齊秋風俯太
 液素節已堪題

秋曉

行樂言不集
卷四十一
曙色依微辨網軒碧梧朱鳥淡無痕蛩迴蕉
夢風迎面鳥重花枝露浥根秋意頓教人灑
落旦心默驗理亡存詩吟工部消閒興白帝
烟光近可捫

覺生寺

禪關郭外清小憇喜秋晴樹影疑翻貝鐘聲
偶發鯨塵心何處著畫意逐方呈一叩三乘
演誠哉善覺生

金錢花

可校還勝都內買笑應過沈郎設遇清談夷
甫許教阿堵繞床

唐寅後赤壁圖

幾曾高處不勝寒切顯危峰俯碧瀾逡巡二
客相評度擬向層霄以上看

王翬晚梧秋影

葉葉露纖纖秋光一夕兼蕭疎偏入牖颯沓
正捎檐幽賞殊未已清機宛可拈當前相印
證舉首見銀蟾

泛月

傍晚翔雲淨碧天天光波影遠相連初銷殘
暑寒猶未載月平湖一放船

清風徐來波不興賦才玉局句堪稱漢邊疑
見浮槎影人在玉樓樓上層

畫屏銀燭兩無藉蛩語螢輝俱可憐最是良
宵方寂寂依然佳景自年年

蘆花叢裏白鷺飛飛入浦烟帶影歸岸轉舟
行月過午湛湛涼露霑人衣

秋日數庾信體

金行逗淒辰玉掌流清露黃姑橋駕鵲素娥
輪頤兔繁英艷幽階踈影入高樹螢火耀餘
明蟬聲憶前度燈牕編可窺紈扇風不妬牟
益擣衣圖杜甫江樓句羲和靜裏觀澄景閒
中注

晚晴落照

徂雲傍晚收返照入崑樓葉底明喬樹山尖
駐赤旂幽風稍覺慰駒影漫增愁孤鷺齊飛

處高才憶絳州

秋日即用唐太宗爽氣澄蘭沼詩八

句為題各賦一首有序

日行西陸和仲平秩之辰律中金聲少
昊白藏之候旻天高而氣爽潦水淨以
風清蟋蟀宵征鴈鴻霜至豳風七月占
星火而念授衣南畝三農侍倉箱而觀
登穀是以對時育物有重斯焉因之望
古興懷不無取爾依文皇之舊作成素

節之新裁截咏八言各為一律

爽氣澄蘭沼

欲識秋來意先從水面看
蓼風奏微爽荷影蕩輕瀾
鏡朗遊鱗避紈鋪宿鷺安
長天正一色誰掛月輪團

秋風動桂林

我愛玉華岫翻風穗穗黃
露光溢翠幕鷺嶺貯天香
鼻觀參離合生機介暑涼
輪困枝葉好脩斧恨吳剛

御集言衣集 卷四十二
露凝千片玉

徹夜碧虛淨侵晨玉露鮮
花承團復碎草拂墜而懸
羣列藍田秀分來金掌圓
長秋多怨女何事獨求仙

菊散一叢金

飲泉仙致壽布地佛稱尊
風裏香欺麝階前色奪萱
松篁堪結友蜂蝶早銷魂
五柳非貧士全勝金谷園

日吐高低影

百穀候西成羲車湊快晴
萸階銷潤溽梧閣朗晶明
霞影依山寫蟬聲擇樹鳴
時暘慶闔闔今古望年情

雲垂點綴陰

金韞剛秩序玉葉巧垂陰
晃日渾如幻牽風似不禁
虛明觀聚散天地效浮沉
不必登臺望聊成點筆吟

蓬瀛不可望

鬱鬱方蓬境傳聞真不真
齊人談扼掣漢帝

望勞神踈索林泉地淒清風露晨何須餐九
轉坐看海生塵

泉石且娛心

澄披露石水涼試過泉風素節登臨候秋光
慘澹中扇情辭枕簟蟬韻老梧桐底覺娛心
處黃雲遠近同

中元日燈詞

風清月白好秋時燈事兼饒競水嬉仙術無
勞殷七七金蓮萬朵燦瑤池

薄日微涼逗秋夕波光燭影照溪軒倚吟景
物閒評度只覺中元勝上元
梵唱盂蘭簫鼓高液池風定閃金濤空明水
月難成句却憶髯翁屬賦豪

秋日恭奉

皇太后巡行塞外曉發圓明園即景成什
拂曙行旌發金天湊好晴有風皆遞爽無露
不晞明野水溪邊退塞山馬上迎
大安欣奉處觸目慶西成

街集言不集 卷四十二
塞堞倚層巒遙遙雲際看整輜塵淨路策馬
潦收灘纓犬思馳足鞞鷹欲奮翰時巡古有
制詎是重遊盤

三時勤望歲歷覽夙憂舒黃已禾堆圃青還
菜繞廬花邊蜨引轡樹底鳥窺閭得句催賡
韻鄒枚在屬車

長空莽霽烟柳外聽鳴鞭秋色真佳矣農功
庶慰焉風清人意適川濶騎行連閱塞兼修
武

仁皇不烈傳

過清河橋

長虹飲明波遊龍連萬騎景物紛蕭颯菰蒲
靄蒼翠扁舟底用呼輕裾已可試發軔塞北
行入畫江南意魚躍破渚烟鷺飛點蘆穗俯
仰對空澄即目愜幽思迴憶前度期忽作經
年事

陣雨

陣雨頃刻長空過遠山返照明煙螺止頓剛

御製詩不集 卷四十二
覺午熱劇蠲炎送爽良已多牧馬長鳴列帳
淨何況實粟盈晚禾興來擬易髯翁句行路
不怨農夫歌

懷柔縣東疊舊作韻

古縣枕平臯襟帶山河美往來幾度間總在
高秋裏柳陰罨翠涼蘭陔循迤邐近隴復遐
町維糜亦維芑爽挹金風吹潤宜玉露靡西
成指日臨倉箱庶可擬憶我前歲秋取道亦
於是長途閱歟收日夕愁無已此地稱較可

周遭祇數里今年實厚慶美不勝屈指豈其
考農經邀豐符祭癸都緣造物仁綏屢幸致
爾教養有相因切切念以此盈虛遞轉運慄
慄更憂只九穗亞莖生白雀食蝗死德感我
未能惟勵志不徒來來守牧臣莫道豐年喜
餘三有後謀我爾其曷以

曉涼

露氣曉濛濛征衣怯峭風柳絲看變綠旭影
愛披紅馬驟神增爽鷹揚勢益雄午暄停蹕

後更喜協田功

密雲行宮晚坐

繞砌霏繁英捎檐蔭喬木景物會清秋好供
一駐宿螢明今夜牕簾捲昔年屋灑然片刻
閒書史隨意讀

九松山

喬松無萬鬱雲巔何事山名以九傳望中隱
約扶青顛就裏尋常生紫烟
中峯迥絕勢亭亭列巘欽崎太古青寂愛午

鐘林外度每教清蹕澗邊傳

曉月

驛路馬嘶秋山店鷄鳴曉玉輪已就缺清光
猶帶皎野水明溪頭涼颼蕩林表依微蘭埒
辨絡繹緹騎繞隨時愛景光寄興殊不少

攬勝軒作

瀟灑岩齋小憇遲青楓露冷曉秋時鳥啼花
落自無住此日前年了不移遠挹峰巔涼翠
合平臨天半培去聲風吹朝嵐空入殊難狀却

詆山靈能爾為

出古北口

繚尋遺蹟問燕秦
埤垝棲荆雉堞堙不信
匈奴號驕子端知嬴政是癡人
懋遷已見閭閻富
勤樸還蘄俗尚淳
百歲熙和經外戶
黔黎欣奉屬車塵

潮河橋

出口風增峭臨橋水疊波
常年度清蹕昔日此潮河
荒戍縈烟荔山田茁兩禾
名言思守

德觸景畏心多

常山峪行宮即景

捲幔秋光到座邊
雲開為我轟青蓮
步步苔衣濕蛩吟
露望坂楓香鹿叫
烟自是林泉多蘊藉
依然書史得周旋
饒他只有松陰鶴
夜夜空山抱月眠

讀書效朱子體

古人曾有言力學如行路
設不進一步即為退
一步高秋駐行宮
清暇鮮幾務耽書有宿

緣娛此深山暮即景自體驗未覺勝前度
躄生愧慙空復尋章句

行漏

塞北燕南隨境別風晨兩夜報時同因之悟
得相應處只在尋常不息中

題慎郡王山水小景十二幅

梅溪

幽夢到羅浮春風入蓓蕾虛舟本無繫泛此
香雪海

桃塢

白屋幾家靜紺霞萬樹春不教花逐水恐引
問津人

春泛

前溪新水生後溪烟柳橫來往東風裏心隨
一葉輕

觀瀑

飛流落危峽凭欄俯平楚天地不藏機色聲
無著處

雲嵐

千章樹影濛濛萬疊山容活妙領米南宮此間
得衣鉢

賞荷

朗開徵士牖閒對君子花霞標徼瑞露鏡裏
吐天葩

山寺

捧唱臨濟宗幽寂雲門寺青鞵布鞵來知復
誰家子

梧月

古月不速客高梧有脚秋鶴夢清宵冷幽人
正倚樓

霜鴻

攜得塞垣霜書空三兩行蘆花眠不穩却為
憶衡陽

紅葉

錦樹經秋絢如燃不著枝相對停車客司勳
字牧之

雲棧

劍關天外轟磴棧雲中繞誰復嗣青蓮抽豪
吟蜀道

雪溪

天沉玉峰外蘆重凍溪邊破冷方蘭棹惟應
訪戴船

駐蹕喀喇河屯行宮偶作

昭邛結宇敞軒楹贏得嵐光四面并花冒露
開剝席展山迎客到正秋清雨霏繡壤禾添

馥風度單枺樹有聲一路西成經快覩得教
巖館暫怡情

灤陽別墅

玉露金風候背山臨水居捎簷青筍籜菴牖
紫芙蕖泉響尋源聽詩成鑿壁書名山有宿
約隔歲一相於

湍流無略約濟渡一舟通每到消塵念從知
秘化工川巖獨鍾秀天地不言功欲學軒轅
訪瞠乎拜下風

小金山

楓香松翠早秋朝縱目長天淨
泐寨更愛笠亭臨絕壁便扶朱楯
度飛橋座席常隨嘉蔭移山風送
爽颯纖絺隱蘆鷗鷺窺垂釣擲樹
鼉鼉聽詠詩玉筍平陵架小亭好
山常占四時青閒雲不繫悠然影
野卉無名越樣馨日照孤峯生翠
烟灤河水共碧空鮮寄語山靈好
看待莫教佳景讓江天

